

SA MINIERA DE INGURTOSU – parti 2

SU PALATZU DE SA DIRETZIONI DE INGURTOSU



Su casteddu s'agatat in sa bia chi arribat de Montibèciu. Portat un'arcu mannu chi est una genna de intrada simbòlica in sa bidda minerària.

Tenit prus pianus, aundi nci fiant is ufizius de s'aministratzioni e is tècnicus de sa miniera, ca fiant postus cunforma a sa gerarchia sotziali.

SA CRÈSIA DE SANTA BÀRBARA



Sa crèsia de Santa Bàrbara, cunsagrada a sa patrona de is minatoris e incingiada su 21 maju 1916, fiat fabricada cun su dinai e sa punna de Lord Brassey.



SA LAVERIA BRASSEY



Sa Laveria Brassey, o Laveria Naracàuli, iat inghitzau a traballai in is primus mesis de su 1900 e serbiat pruschetotu a traballai sa blenda, po ndi bogai su zingu.

S'impianu, chi sciacuàt is mineralis e ddus separàt de is scartus, est stètiu po annus meda unu de is prus de importu de sa Sardigna, e dd'ant scordonau me is annus 70.

PUTZU GAL



Su cantieri mineràriu de su Putzu Gal me in is annus Binti fiat in manus de un'impresa frantzesa e spagnola, e teniat sa punna de ndi bogai sa blenda de asuta de terra, ca agoa beniat traballada in sa Laveria Pireddu.

Custu putzu est mannu 205 metrus asuta de terra, e tenit in prus una calada de 160 metrus, ca iant fatu apustis chi fiat arribbau a su livellu de su mari.